

Na ovlaštenja utvrđenih u članu 38. Pravila JU "Studentski centar" Sarajevo broj: 01-2079/17, 01-833/22, 01-309-1/23 i 01-361/24, a u vezi sa članovima 5. stav (1), 6. i 41. stav (2) Zakona o kontroli i ograničenoj upotrebi duhana, duhanskih i ostalih proizvoda za pušenje ("Službene novine Federacije BiH", broj 38/22) VD direktor JU "Studentski centar" Sarajevo donosi

ODLUKU
o provedbi mjera zabrane pušenja u
JU "Studentski centar" Sarajevo

B. 01-982/25
Datum: 06.09.25
...god.

Član 1.

U cilju zaštite zdravlja radnika u JU "Studentski centar" Sarajevo (u daljem tekstu: Studentski centar), kao i osoba koje povremeno ili privremeno borave u Studentskom centru, u smislu odredbi člana 6. stav (1) Zakona o kontroli i ograničenoj upotrebi duhana, duhanskih i ostalih proizvoda za pušenje (u daljem tekstu: Zakon), zabranjuje se pušenje, odnosno upotreba duhana, duhanskih i ostalih proizvoda za pušenje, uključujući elektronske cigarete, bezdimne duhanske proizvode i biljne proizvode za pušenje u svim javnim zatvorenim prostorima i mjestima rada u Studentskom centru.

Član 2.

Shodno definiciji pojmova u smislu odredbe člana 2. Zakona, pod javnim zatvorenim prostorom, odnosno mjestima rada u Studentskom centru, smatra se svaki prostor koji koriste radnici Studentskog centra za obavljanje poslova iz svoje nadležnosti (kancelarije, zajednički prostori, sale, čitaonice, hodnici, liftovi, stepenice, kafeterije, kantine, toaleti i sl.), kao i službena vozila Studentskog centra.

Član 3.

Ova odluka se odnosi na sve radnike Studentskog centra, kao i na sve osobe koje povremeno ili privremeno borave u prostorijama Studentskog centra.

Član 4.

- (1) U prostorima i mjestima iz člana 2. ove Odluke gdje je pušenje zabranjeno, obavezno se postavlja grafički znak zabrane pušenja i tekst koji glasi: "Zabranjeno pušenje".
- (2) U prostorima i mjestima gdje je pušenje zabranjeno, ne smiju biti postavljene pepeljare ili druge posude koje mogu služiti za odlaganje pepela.

Član 5.

Za provođenje ove Odluke odgovori su Direktor i Rukovodioci Službi u Studentskom centru.

Član 6.

- (1) Protiv radnika Studentskog centra koji se ne pridržavaju odredbi Zakona iz Člana 1. ove Odluke, pokrenut će se odgovarajući postupak u cilju utvrđivanja odgovornosti zbog narušavanja utvrđenih zakonskih odredbi.
- (2) Zbog nepridržavanja odredbi Zakona iz stava prednjeg, drugim osobama koje povremeno ili privremeno borave u prostorima Studentskog centra, postupit će se na način i u skladu sa Članom 6. stav (4) Zakona o kontroli i ograničenoj upotrebi duhana, duhanskih i ostalih proizvoda za pušenje.

Član 7.

Ova Odluka će biti objavljena na oglasnoj ploči i web stranici Studentskog centra, a primjenjuje se od dana početka primjene Zakona o kontroli i ograničenoj upotrebi duhana, duhanskih i ostalih proizvoda za pušenje.

Dostavljeno:

1. Oglasne ploče JU "Studentski centar" Sarajevo
2. Rukovodiocima službi
3. a/a

VD direktor

Refik Ožegović